

## M107G: Heinrich: 'Litanei' (G)

0,0     **Letania** .  
0,1     Hercen ſcowære.  
0,2     uor dem def mûtiſſagirære.  
0,3     ſiniu tougen nîene mach uerſperren.  
0,4     nieht ne la mir giwerren.  
0,5     mine manege miſſitāt.  
0,6     ſone wurde min nie mer dehein rât.  
0,7     du welleſt mich feſte machen.  
0,8     der lib iſt ceſſeiſchlichen ſachen.  
0,9     weich unde ôhaltich.  
0,10    ſo biſt aue du herro ſo gwaltich.  
0,11    daz du in wol giſterchin maht.  
0,12    mit diner gotelichin chraft.  
0,13    ein champh han ich inphangen.  
0,14    daz iſt ienoch unergangen.  
0,15    daz an mir zallen ſtunden.  
0,16    die tugent habint mit den funden.  
0,17    wârer ſchirmære.  
0,18    du wiſ der uor uehtære.  
0,19    uûr die tugentlichen ſchare.  
0,20    daz ſi uon dem herzen uertrîben al gar.  
0,21    der funden blîgîne mæſſe.  
0,22    ſo wirt der ſin wæſſe.  
0,23    uon dir ceuernemene unt ceredene.  
0,24    du gib unſ herre uater uergebene.  
0,25    daz unſ cedem libe unt zer ſele gifrume.  
0,26    unt gibiut dinem einbornen fune.  
0,27    daz er unſ ſende ſinen trôſt geiſt.  
0,28    alſo du unſer angift uil wol weiſt.  
0,29    unſer brode diu iſt ſo michil.  
0,30    daz wir ſchiere werden biſwichin.  
0,31    iz neſtûnde an ſinir milte.  
0,32    daz er mit ſinem urideſchilte.  
0,33    unſ bihûtte indifem wîge.  
0,34    unze wir nach difem libe.  
0,35    emphahen den himiliſkin lon.  
0,36    dar umbe ſpriche wir Kyrie Eleyson.

0,37 An dir ewigir uater stet der gwalt.  
0,38 def werch die sint manichvalt.  
0,39 der schaffit unde antreitet.  
0,40 der uogit unt cileitet.  
0,41 der zimbrit unt zebrichit.  
0,42 der entlibit unde richit.  
0,43 der heiligit unt uerdamnot.  
0,44 er storet unde samnot.  
0,45 er zurnet unt uergizzit.  
0,46 er slehet unt uermisset.  
0,47 er wundet unde heilet.  
0,48 er gihaltet unde teilet.  
0,49 er git unt inzuchit.  
0,50 er hohit unt uedruchit.  
0,51 er hat alliz daz wol uurbraht  
0,52 def du uon aneenge hiete gidaht.  
0,53 also der din uorsichtige wistum.  
0,54 daz ist din eben ewiger fun.  
0,55 dir gap uolleist unde rat.  
0,56 der ouch maniger slacht namen hat.  
0,57 die wolt ich gerne chunden.  
0,58 gitorft ich uor minen funden.  
0,59 wandaz ich def guten trost han.  
0,60 iz meg mir wol alsam irgan.  
0,61 also du halt gisprochin in dem wiffagen.  
0,62 fwer sich zu dir welle gihaben.  
0,63 ist er uon funden swarz warden e.  
0,64 du machist in wiz sam ein sne.  
0,65 der selber gnaden bir wir uon dir gwis.  
0,66 pater de celis.  
0,67 Er heizzit din wart unt din gibot.  
0,68 warer mennisch unt warer got.  
0,69 er hezzet wunderlichir ratgebe.  
0,70 lebentigiz prot wareu winrebe.  
0,71 starchir got furste def frides.  
0,72 orthabe def libis. uener def figes.  
0,73 er hezzit berch tal unde wech.  
0,74 pruke. stege und stech.  
0,75 engil wiffage unde ewart.  
0,76 leu ein brunne unde liebart.  
0,77 are chalp unde lamp.  
0,78 er hezzit unfer heil unt unfer heilant.  
0,79 unfer sunære.  
0,80 unt unfer mitilære.  
0,81 inzwischin dir herre uater unde unf.  
0,82 daz sint die namen dinis sunf.  
0,83 nu eruulle du heiliger geist.  
0,84 mit werchin daz du an den namen bist.

0,85     unt bidenche alle unfer not.  
0,86     du mit dinem tode unfern tot.  
0,87     ciuûrtift an dem ftamme.  
0,88     da mit unf indifem wûchlamme.  
0,89     uerftiezze adamef gîtte.  
0,90     daz uertiliete daz plût daz uz diner fîtte.  
0,91     unde uz andern dinen wunden floz.  
0,92     durch daz ſpreche wir Christe audi nos.  
0,93     Heiliger geift warrer uogit.  
0,94     den niemen wirdichlichin lobit.  
0,95     dune ſchephiſt dei wart infinem ſinne.  
0,96     mit dem uiure diner minne.  
0,97     allef gûtif anegeſſe.  
0,98     deu meil miner zungen du uerbrenne.  
0,99     die deme hercen luterer ſin benement.  
0,100     zeſprechin dei wart dei dir gizement.  
0,101     du heizzis wiſtûmis brunne.  
0,102     ein fluzziſt der barmunge.  
0,103     der armen troſtære.  
0,104     reiner hercen minnære.  
0,105     ein wech des ewigen libis.  
0,106     ein march deſ himilſicken ſtigis.  
0,107     du biuoitift unt biſûniſt.  
0,108     du brenniſt unt chûliſt.  
0,109     du uiuhtiſt unt derrift.  
0,110     du entſliuzziſt unt ſperrift.  
0,111     du woniſt unt ſliuhiſt.  
0,112     du ſterchiſt unt ſchûhiſt.  
0,113     du befridiſt unde behûtiſt.  
0,114     du chuchiſt unde brûtiſt.  
0,115     du entſwebiſt unde wecchiſt.  
0,116     du uertiliſt unt intecchiſt.  
0,117     mit diſen miſſichin gâben.  
0,118     ſolt du nach dinen gnaden.  
0,119     unferm durren hercen geben.  
0,120     dinen geiſtlichen regen.  
0,121     dannen wir den wûchir megen gebern.  
0,122     deſ wir ſin ewichlichin irnern.  
0,123     mit dinem uiure du irleuhte.  
0,124     unt uerbrenne die uiuhte.  
0,125     menniſchlichir glufte  
0,126     unde aller achufte.  
0,127     ſo mûg wir gireite.  
0,128     in der rechten ſichirheite.  
0,129     ſin deſ himilrichiſt gwis.  
0,130     miſerere nobis.  
0,130a     **De s Maria**  
0,131     Liehteu magitûmiſ gimme.

0,132 der engil uûrftinne.  
0,133 phalnze def himilis.  
0,134 gimahile def ewigin chunigif.  
0,135 du bift diu biflozniu borte.  
0,136 uon der der wiſſage horte.  
0,137 do im der engil ceigete ein gotif huf.  
0,138 erſprach. "her in ſol werden unde hin uz.  
0,139 unferm herren ein frîgiu uart.  
0,140 unde ſol diu borte iemer ſin biſpart."  
0,141 diu bicheichint dich unt dinen fun.  
0,142 der den ewichlichin magitûm.  
0,143 nach der giburt bihielt ſam ouch ê.  
0,144 du bift uon der wurcen ieffe.  
0,145 ein gerte uz irſprungen.  
0,146 deu den blûmen hat gwunnen.  
0,147 uon dem der waz chumit aller gnaden.  
0,148 unf allen die do lâgen  
0,149 in der wûſte der funten unberhaft.  
0,150 din wûchir urowe hat unf widerbraht.  
0,151 cedem wûchir allir tugende.  
0,152 def wiſ an mir gihugende.  
0,153 mûter der barmunge.  
0,154 diu uorder miſſehellunge.  
0,155 zeder unf daz êriſte wip frumete.  
0,156 ienoch ſi unceuûrt ſtûnde.  
0,157 die die engil heten uf die mennikeit.  
0,158 wan durch dinen trôſt wariu mait.  
0,159 wir leſen uon dinen uordern.  
0,160 daz iſt an der ſcrift unuerborgen.  
0,161 ſwanne die engil ceigen ſich in girûhten.  
0,162 daz ſi ir uûzze darumbe fûhten.  
0,163 daz haſt du gibezzirt alliz.  
0,164 alſo der gûte ſant iohannes.  
0,165 cetrôſte ſcrîbit unf allen  
0,166 do er dem engil ceuûzzen wolt uallen.  
0,167 der in die gotif tougen lerte.  
0,168 daz er ſich uon im ſa chête.  
0,169 er ſprach bewar daz du ſin niene tûſt.  
0,170 unfern herren einen du ane beten muſt.  
0,171 ich pin ein ebenſchalch diner.  
0,172 unde ander chnehte finer.  
0,173 Solher gnaden biſt du orthabe.  
0,174 unde wære ich herre denne ein wiſſage.  
0,175 olde wære ſin geiſt inminem munde.  
0,176 dannoch nemæhte ich noch ne chunde.  
0,177 dich giloben alſ ich folde.  
0,178 wer mohte dem giliutertem golde.  
0,179 daz chopher glîchen.

0,180 doch sehe wir tæglichen.  
0,181 daz diu rofe wæhfe uz dem dorne.  
0,182 sam lobe wir dich giborne.  
0,183 uon der bitteren iudischefte.  
0,184 deu mit grozzem unrehte.  
0,185 ceden cîten biuangen waf.  
0,186 do du rehte sam ein lichtfaz.  
0,187 schine uber alle uinfter.  
0,188 sam der funne durch daz glâf uenfter.  
0,189 der liuhtet den tuncheln fal.  
0,190 sam tæte du die werlte uber al.  
0,191 wir cellen dich ceinem garten.  
0,192 giceichenten unt bîsparten.  
0,193 da der boum inne wûhs.  
0,194 uon dem unf def hungerf wart bûz.  
0,195 den unf unfer uordern.  
0,196 ê diu heten erworben.  
0,197 mit lafterliche gîtte.  
0,198 nu du wariu margarîte.  
0,199 aller himil chore.  
0,200 nu wafche mich mit dem [t]rore.  
0,201 da dich der heilige geist mit bigoz.  
0,202 do er dich dem gotif fun ceiner mûter chôf.  
0,203 du bist gifegenit uor allen wiben  
0,204 wande du eine mahtift uertrîben  
0,205 uon unf den ewigen tot.  
0,206 du bist der ûfftende morgenrôt.  
0,207 erweltiu sam der funne.  
0,208 schône sam diu mæninne.  
0,209 eiflich sam diu giwæffente schare.  
0,210 wan du demgotif fun ein gare.  
0,211 gæbe uz diner wambe.  
0,212 da er unfer uiande.  
0,213 inne giwaltichlichen eruaht.  
0,214 nu man du sine maginchraft.  
0,215 daz er mich uor den funden biware.  
0,216 daz ich niemer fone giuare.  
0,217 ich ne gniezze diner giburte.  
0,218 cefiner gegen wurte.  
0,219 Tohter dauidis.  
0,220 wech def ewigen libis.  
0,221 irritûmis ende.  
0,222 tôdef urftende.  
0,223 lebendigu brunnâder.  
0,224 uz der diu runse floz aller gnâden.  
0,225 wurze aller gûte.  
0,226 uon der der âft erblûte.  
0,227 der sich wîten hât gibreitet.

0,228 unde finiu zwi gileitet.  
 0,229 uon der erde durch die himile.  
 0,230 unt uon dannen her widere.  
 0,231 durch daz inner abgrunde.  
 0,232 daz er die ftriche miner funde.  
 0,233 gnædichlichin enbinde.  
 0,234 daz gibiut du frowe dinem chinde.  
 0,235 wande du maht ieweder tûn  
 0,236 gibieten fam diu mûter uber ir fun.  
 0,237 unde falt iedoch bitten unde êren.  
 0,238 fam diu fûzze diu ir herren.  
 0,239 daz er gihuge aller dinge.  
 0,240 die er mit dir durch die funtære bigienge.  
 0,241 [Frowe] [ich] [dir] [dine] [ere] [da] [mite] [nit] [ne][breche]  
 0,242 [daz] [ich] [dir] [fo] [verre] [zuo] [fpreche]  
 0,243 wande daz du gifcaft den fchephære.  
 0,244 dv tohter den uater gibære.  
 0,245 wer mæhte âne got def haben gidaht.  
 0,246 unde alfo der tot waf braht.  
 0,247 aller der werlte uon einem wîbe.  
 0,248 fam mûfe cedem ewigen lîbe.  
 0,249 ein wip unf wider bringen.  
 0,250 nu habe wir einen bezzern gidingen.  
 0,251 danne ob adam wære giftanden.  
 0,252 wirne durffin finen ual niemer ganden.  
 0,253 noch finis wibif miffitat gichlagen.  
 0,254 wirne phahen mere denne wir uerlorn haben.  
 0,255 fi braht den tot. du daz leben.  
 0,256 fi den fluch. du den fegen.  
 0,257 fi die armût. du den richtûm.  
 0,258 fie die fchalcheit. du den fritûm.  
 0,259 daz giuûrre uber trifft unfern faden.  
 0,260 nun ift fin [n]ot nie mere def wir chlagen.  
 0,261 wandaz [si] [daz] paradyfe hat piflozen.  
 0,262 da wider machift du den himel offen.  
 0,263 unt uersperrift unf die helle.  
 0,264 ein bezzir dinch ich ienoch celle.  
 0,265 cediû daz niemen in den funden durffe ligen.  
 0,266 der mennifch hat den engil ubir ftigen.  
 0,267 frowe mit dinif funis mennifkheit.  
 0,268 def fi im unt dir gifeit.  
 0,269 lob unt ewigiu gnâde.  
 0,270 nu ceuûre chuniginne die lâge.  
 0,271 der mich die tieuel nicht erlazzent.  
 0,272 die mir den wech uerfazzent.  
 0,273 den ich cedem rehte folde gan.  
 0,274 deift min meiftiu angift die ich han.  
 0,275 wandaz ich wol weiz daz min zûuerficht.

- 0,276 diu ne uerlât mich trût frowe niht.  
 0,277 dune gihelfift mir etlichir frift.  
 0,278 umbe den der din fun unt din uater ift.  
 0,279 nach finen gnaden warer bûzze.  
 0,280 daz ich an dem rehten erschînen mûzze.  
 0,281 fo ich cefiner gegenwûrte chume.  
 0,282 fo bitte den fun uater unt gibiute dem fune.  
 0,283 gihugen an die mû dîne.  
 0,284 danach tufint chindiline.  
 0,285 die wurten erflagen uon herode.  
 0,286 daz er mich uon dem ewigen tôde.  
 0,287 def tagef bineme durch die dine minne.  
 0,288 daz ich nach minen nôtdurften gwinne.  
 0,289 def liehtef etilichin teil.  
 0,290 daz mir unt aller werlte uon dir erschein.  
 0,291 Noch bitte wir dich himilifkiu urowe.  
 0,292 du uon def heiligen geiftis uiure unt uon finem towe.  
 0,293 wurde gotilichin bærich.  
 0,294 fin wûchir daz waf fælich.  
 0,295 do du ane mannef chunde.  
 0,296 folhis wonders an dir enftûnde.  
 0,297 daz der nature waf ungewonlich.  
 0,298 def mûft du iemer fin lobilich.  
 0,299 aller gotif gifcheffe.  
 0,300 deu in def tieuelf zoumheffe.  
 0,301 uon rehte iemer mere wære.  
 0,302 wan durch den fun den du gibære.  
 0,303 ôwi wunderlichiu chintraht.  
 0,304 du hiete wariu mait dir gidaht.  
 0,305 ê willichlichen erfterben.  
 0,306 e du iemer mûter woldest werden.  
 0,307 nach mennisklichim fitte.  
 0,308 ôwie rehte wol du fin inbitte.  
 0,309 der dinif mûtis feste.  
 0,310 fo rehte wol an dir wefte.  
 0,311 er machit dich ce mûter ane man.  
 0,312 der nie daz infigil inkan.  
 0,313 diner maitheite.  
 0,314 wir fprechin die warheite.  
 0,315 ce dinem lobe wariu mait.  
 0,316 alf unf diu bûch habent gifeit.  
 0,317 din wambe in gærlichin bifloz.  
 0,318 der fo michil ift unt fo groz.  
 0,319 daz er alle die himile.  
 0,320 hat cefinem gifidile.  
 0,321 ceinem uûz fcamel die erde.  
 0,322 nu bit wir in daz er werde.  
 0,323 gnædich allen den dinen.

- 0,324 unde ſwenner unf. fulerſchînen.  
 0,325 an dem iungiften urteile.  
 0,326 daz wir ſin in dem heile.  
 0,327 daz uon dir aller der [werlte] braht wart.  
 0,328 def tagif ſi unf diu helle beſpart.  
 0,329 daz himilriche entflozzen.  
 0,330 fo hab wir allererifte wol gnozzen.  
 0,331 diner mûterlichin gûte.  
 0,332 wariu uogitinne nu bihûtte.  
 0,333 dine ſcalche hie unde ouch da.  
 0,334 ſca maria.  
 0,334a **De Anglis .**  
 0,335 Gotifercengil here.  
 0,336 mit iuwerm uæner fant Michele.  
 0,337 unde ir niune chore alle.  
 0,338 die nach def tiufils ualle.  
 0,339 mit got ſtætichlichen bliben.  
 0,340 nu helfit unf daz wir gifigen.  
 0,341 an dem ſlangen urmæren.  
 0,342 der mit finen uolgæren.  
 0,343 hiebeuor wider iuch uaht.  
 0,344 uil bloede waſ diu ſin chraft.  
 0,345 do in der uberwant.  
 0,346 der iuwer chemphe iſt gnant.  
 0,347 def lobit ir got uber al.  
 0,348 uil michil wart der ſin ual.  
 0,349 in die ewigen riuwe.  
 0,350 owi ſin gittigiu chiuwe.  
 0,351 wie manigen ſi noch uerflunte.  
 0,352 wie manigen er uber wunte.  
 0,353 wan durch den troſt den wir uon iu haben  
 0,354 alſo wir fante Paulen horen ſagen.  
 0,355 erſpriche. daz ſumiliche geiſte ſin dar zû irchant  
 0,356 die dem mennifken cedienifte werden gifant.  
 0,357 die daz erbe fuln emphahen  
 0,358 def waren heilis unt der gnaden.  
 0,359 daz unf ſin hõnchufſt binam.  
 0,360 do im der eriſt mennifk wart gihorſam.  
 0,361 daz der mennifk daz wider gwinne.  
 0,362 def helfet unf durch die minne.  
 0,363 da mit unfer beider uientſchaft.  
 0,364 cerehter fûne habe braht.  
 0,365 ane iuch nemæhte wir niht gneſen.  
 0,366 wande wir haben wærlichen gileſen.  
 0,367 daz nehein chriftenmennifk hiute nelebet.  
 0,368 finen werde uon iuwer etlichem giphleget.  
 0,369 wande diu broede diu iſt an unferm fleiſche.  
 0,370 daz wir unfer chriftenliche giheizze.

0,371 got niemer. nemæhten gileiften.  
0,372 iz newære daz ir geifte wider den geiften.  
0,373 unf hîette in iuwer hûtte.  
0,374 nu ir engil fælige unde gûte.  
0,375 impelhit unf got mit iuvern digen.  
0,376 daz wir mit iuvern helfen gifigen.  
0,377 in difem zwiuilichem wîge.  
0,378 def wir in difem lîbe.  
0,379 niemer werden uerlazzen.  
0,380 der tieuel uar uerwazzen  
0,381 ir giftet unf zallen cîten bi.  
0,382 omnes sci angeli.  
0,382a **De s IoHe bapt .**  
0,383 Sæmiliche gnâde.  
0,384 uorder wir leider trâge.  
0,385 daz machint unfer ſchulde.  
0,386 uon dir gimme unt ubergulde.  
0,387 aller gotis trûte.  
0,388 owi wie gerne ich dinen namen dûtte.  
0,389 ob ich ſin wert wære.  
0,390 der nam iohannes ceware.  
0,391 fwer ſin daz puch frâge.  
0,392 er dutet gotis gnâde.  
0,393 den namen hete dir dir engil erchennit.  
0,394 nu du gotif gnâde fiſt genennit.  
0,395 nu gnâde mir dinem chnehte.  
0,396 ich da uon merrem rehte.  
0,397 dich uor allen liuten loben fol.  
0,398 hiete ich mine ſele indaz gifol.  
0,399 aller laſter nieht uerſenchit.  
0,400 def ſant Peter wol gidenchit.  
0,401 da er den funtære biwart.  
0,402 fwanner chumit in die rehten uart.  
0,403 daz er ſin achuſt uerlât.  
0,404 unde ſi aue darnach bigat.  
0,405 erſprichit. er tu rehte ſam der hunt.  
0,406 der ſine ſpîe nimit wider in den munt.  
0,407 dem mag ich wol glich ſin.  
0,408 erſprichit. der tu ouch rehte ſam daz fwîn.  
0,409 daz ſich mere unfubirch mache.  
0,410 fwenniz in der hor lacchen.  
0,411 lit cediū daz iz ſich waſche.  
0,412 owi ich ſtoubigir aſche.  
0,413 ich floh zun der ualwiſch.  
0,414 ich pin warden ſam einer boefer uifch.  
0,415 uon den funden durch græte.  
0,416 ich pin rehte alſam ſtæte.  
0,417 ſam uor der wintſprût daz mel.

0,418 oder sam uor dem ifen ist daz eiger uel.  
0,419 ich pruftigiz hauen schirbe.  
0,420 waz ob ich morgen stirbe.  
0,421 dem ich hiute pin gnæme.  
0,422 dem pin ich danne wider zæme.  
0,423 ich uil stinchundiz âf.  
0,424 ich spriche sam der rabe crâs crâs.  
0,425 Daz chiut. morgen morgen.  
0,426 daz wil ich gerne biforgen.  
0,427 daz ich got rehte gitû.  
0,428 wer git mir frist unze frû.  
0,429 ob ich iz hiute uf schiube.  
0,430 owi wie dicche ich erleuge.  
0,431 fwaz ich gote giheizze.  
0,432 der funten madewelligen eizze.  
0,433 die habint mîne fele uerderbit.  
0,434 unde habint mich alsam lazarû erfterbet.  
0,435 mîne gwizzen harte mir eruûlit.  
0,436 wandaz mich ûf fûlit.  
0,437 der gotis touffære.  
0,438 min einiger helfære.  
0,439 din wunderliche irbarmede.  
0,440 an alle mîne gærnde.  
0,441 fit ich armer mennisk hilflos.  
0,442 dich ceinem helfære erchôf.  
0,443 fit han ich mich des wol uerftanden.  
0,444 du hiete mich ê in dinen handen.  
0,445 daz folt du ouch noch bihalten.  
0,446 wande woldist du mich engalten.  
0,447 maniger gachfchriche.  
0,448 da mit mich dicher denne diche.  
0,449 der tieuel hat uerleitet.  
0,450 so wære mir manigen tach gireitet.  
0,451 diu ewige uerdammunge.  
0,452 daz fol din barmunge.  
0,453 scaffen alliz anders.  
0,454 herro fant Io.  
0,455 Etwer mach mir nu uûrceln.  
0,456 wie ich dich ie gitorfte erweln.  
0,457 ceinem uogit funtibære.  
0,458 durchdaz ich ein funtære.  
0,459 unt leider ein uerwarhter mennisk bin.  
0,460 dem wil ich offen minen sin.  
0,461 den ich mit der warheit wol biwære.  
0,462 wande du gotis touffære.  
0,463 pift herre denne aller mennisk chint.  
0,464 die uon wîbis giburte chomen sint.  
0,465 âne der engil chuniginnen.

- 0,466 uon diu fo mûz ich mich uerfinnen.  
0,467 du bist ouch gnädiger denne ir deheiner.  
0,468 uon diu fo han ich unreiner.  
0,469 ich hazzigir. ich nidiger.  
0,470 ich zornigir. ich gîrigir.  
0,471 ich ûbils schuntære.  
0,472 ich def tiuuels wûchirære.  
0,473 ich aller lafter herhorn.  
0,474 ich han dich gotis uæner irhorn  
0,475 mir einigem dich einigen.  
0,476 dich erwelten unde dich heiligen.  
0,477 dich gûten unde dich gnädigen.  
0,478 dich fûzzen unde dich fæligen.  
0,479 dich femften unde dich linden.  
0,480 ane wem mag ich nu uinden.  
0,481 fo maniger flaht gûte.  
0,482 fwen ich ce miner armûte.  
0,483 uz allen chören heter welt.  
0,484 da wæreft du doch cedem uorderiften gicelt.  
0,485 du wære ein engil diewîle unt du lebetest.  
0,486 do du ouch def amptes der wiffagen phleitest.  
0,487 der êren bistu ouch nu niht biftozzin.  
0,488 den pat'archen müzze wir dich gnozzen.  
0,489 den zwelfpoten alfame.  
0,490 unter den martyræren ist der din name.  
0,491 der aller uorderifte cewære.  
0,492 dich lobint die bihtære.  
0,493 dir entwichint die einfidile.  
0,494 dich êren die magede daren himile.  
0,495 folech ist din lôn unt din êre.  
0,496 nu hilf mir heiliger herre.  
0,497 daz ich dich in den tugenden noch gifehe.  
0,498 unde fwenne ich uogit ûf dich gehe.  
0,499 ane miner hinuerte.  
0,500 fo uertribe dînif gwal.tif gerte.  
0,501 den tieuel uon dinem chnehte.  
0,502 daz er mich iecht ane uehte.  
0,503 olde schuldigen bringe.  
0,504 cedem gotif teidinge.  
0,505 wider du min uorfpreche wis da.  
0,506 sce IoHs baptista.  
0,506a **De Apostolis** .  
0,507 Petre der zwelf poten fûrste.  
0,508 du bidenche aller unfir durfte.  
0,509 die weiftu aller beste.  
0,510 uf den diu gruntfeste.  
0,511 wart der chriftenheit gileit.  
0,512 deu uon den torn der helle niene werde beweit.

0,513 wir wizzen wol heiliger herre.  
0,514 daz diu funtige fele.  
0,515 uil harte dir erbarmet.  
0,516 def wurte du wol gwarnet.  
0,517 bidem lougen daz du gotis tæte.  
0,518 drîftunde uor han cræte.  
0,519 umbe den du fît wurde erhangen.  
0,520 uon dem haft du nu enphangen.  
0,521 die fluzzil der himilifken borte.  
0,522 die mahte du wol mit dem gotif worte.  
0,523 fwem du wil entfperrent unt entfliezzen.  
0,524 nu laz unf def gniezzen.  
0,525 def er dich felbe lêrte.  
0,526 fwenne der ſchuldige man ſich pichêrte.  
0,527 du ſoldeſt im uergeben ſine funde.  
0,528 fiben unde fibenzich ſtunde.  
0,529 paule meifter der diete.  
0,530 uernim daz gibet daz dir biete.  
0,531 din armiu chriſtenheit.  
0,532 an der din arbeit.  
0,533 groz wûchir hat irworuen.  
0,534 umbe die du tægiliche forgen.  
0,535 hiete in diſem lebene.  
0,536 wir hieten iemer uon dir ciredene.  
0,537 welech ein gotis wûchirære.  
0,538 uor allen heiligen du wære.  
0,539 def ne mach ſi niemen zu dir gimazzen.  
0,540 nu iſt dir der ſelbe gwalt uerlazzen.  
0,541 den ſant peter din gifelle hat.  
0,542 daz er den funtæren die meintat.  
0,543 mugit bihaben olde uerlan.  
0,544 nu fult ir daz pezzzer bigan.  
0,545 an iuvern undertanen.  
0,546 dar under nemug wir unf ouch ganen.  
0,547 der helffe ander iuwer gifellen.  
0,548 ir fult unf nach gnaden uurſtellen.  
0,549 ſwan ir uor gotis gifihete.  
0,550 befizzit daz girihte.  
0,551 der iungiften ſchidunge.  
0,552 diu âne barmunge.  
0,553 irget niht war nach rehte.  
0,554 ſo biſchirmit iuwer chnehte.  
0,555 uor allem dem dinge unt unf ſcade ſi.  
0,556 oms ſi apli.  
0,556a **De mrībvs**  
0,557 Suzzer uoruehtære.  
0,558 aller gotis martirære.  
0,559 du den eriften uanen hûbe.

0,560 unde in uf die martyr trûge.  
 0,561 da du mit den ſteinen wurder ſlagen.  
 0,562 wir horen dei bûch uon dir ſagen.  
 0,563 du erchuhtift ſiben toten.  
 0,564 uz alfæmelichen noten.  
 0,565 erledige herre ſant Stephan.  
 0,566 beidiu wip unde man.  
 0,567 ſwer an der ſele uerſcheiden ſi.  
 0,568 unde ouch du ſant Laurenti.  
 0,569 du da wurde gibrâten uf dem rôſte.  
 0,570 chum unf armen cetrôſte.  
 0,571 mit allen dînen gifellen.  
 0,572 die ne mohte wir niemer gar gicellen.  
 0,573 doch ſcul wir iuch alle def piten.  
 0,574 ſam ir den tieuel habit ubir ſtriten.  
 0,575 mit der martyr iuwers lîbis.  
 0,576 ſam mûzzwir geiftlichif wîgis.  
 0,577 mit iuwern helfen an im gifigen.  
 0,578 uor dem unf daz cruce fol bifriden.  
 0,579 daz unf got heizzit tragen aller tægilich.  
 0,580 daz iſt ceware ſo umuertrægilich.  
 0,581 an fwem er def innen wirt.  
 0,582 daz iſt der eine den er uerbirt.  
 0,583 daz habit ir unf wol gitragen uore.  
 0,584 nu leitet unf in daz ſelbe uûzſpor.  
 0,585 def bite wir ſuntære.  
 0,586 iuch heilige martirære.  
 0,586a **De confess .**  
 0,587 Nu bite wir dich ſant Gregori.  
 0,588 daz unf din helfe mite ſi.  
 0,589 du da hiebiuor wære.  
 0,590 def heiligen geiftif chamirære.  
 0,591 do er dir giruhte erougen.  
 0,592 den ſcaz ſinir tougen.  
 0,593 alſo wir an diner uita haben iruunden  
 0,594 daz er dir giruhte zallenſtunden.  
 0,595 in einer tuben bilde erſchînen.  
 0,596 er ſaz uf den ahſeln dinen.  
 0,597 zaller diner tihte.  
 0,598 wirne ſten ienoch an diner ſcrifte.  
 0,599 daz er dich wærlichen lerte.  
 0,600 ich wæner ie iemen ſo grozlichin gêrte.  
 0,601 nu hilf dinir armen diete.  
 0,602 fæmilichif trôſtes den du hiete.  
 0,603 uon ſiner barmunge.  
 0,604 cefolher uorderunge.  
 0,605 weſe din giuerte.  
 0,606 der gûte ſant merte.

0,607 der drîe toten erchuhte.  
0,608 unde aller flaht gifuhte.  
0,609 daz ie iemen gwar.  
0,610 daz uetreib er al gar.  
0,611 der im gab die ere.  
0,612 der erchuche den tôt unfer fele.  
0,613 wande doch iuwer hinuart.  
0,614 wurde gnædichlichin gifpart.  
0,615 in den chriftenlichin fride.  
0,616 doch pirt ir fumiliche uon dem fige.  
0,617 der martyrære ungifcheiden.  
0,618 der mug wir ouch einen ceigen.  
0,619 den heiligen briefter Ieronimum.  
0,620 der waf ein fchellundiz organum.  
0,621 unde ein phîphe def heiligen geiftis.  
0,622 wande fwaz wir liebes unde gûtif aller meift.  
0,623 uon got gilefen unde gihorte haben.  
0,624 def ful wir aller meift danch fagen.  
0,625 gotif gnædicheit.  
0,626 unde finir arbeit.  
0,627 Jeronime uil milter man.  
0,628 nim zu dir die ich ginennit han.  
0,629 die heiligen bihtære unde bite.  
0,630 daz got tugintliche fite.  
0,631 unde folhen glouben an unf feſte.  
0,632 dem gûter werche niene gibreſte.  
0,633 unze wir difen lip uerenden.  
0,634 def welle wir iuch ceboten fenden.  
0,635 an dem wir grozzif troſtes birn gwis.  
0,636 orate p nobis.  
0,636a *De virginibvs .*  
0,637 Agneſ heiligiū magit.  
0,638 zunfern helfen wiſ giladit.  
0,639 du die werlte frū uerliezze.  
0,640 unde dinen magitūme gihiezze.  
0,641 dem waren briutegoume.  
0,642 ſo ueſte was din gloube.  
0,643 uur daz du in cetrūte erwelteſt.  
0,644 daz du der werlte ûf felteſt.  
0,645 alle die êre die ſi hat.  
0,646 du uermantift chunichliche hirat.  
0,647 der tieuel müſe din leit rechen.  
0,648 er cibrach den der da cibrechen.  
0,649 wolte dine maitūmeliche ſchame.  
0,650 derne uūrte niht war den tot dane.  
0,651 den chuhteſt du frowe mit dinem gibete.  
0,652 daz wæne ie dehein mere gitete.  
0,653 du ginæme den ende uon einem ſwerte.

0,654 do dich unfer herre gôt giwerte.  
0,655 einer zwispilden ftôle.  
0,656 nu erledige unf armen uz aller chôle.  
0,657 def ewigen flornes.  
0,658 daz wir def gotis zornes.  
0,659 rache ieht erarnen.  
0,660 diu da waf ergan uber difen armen.  
0,661 def wese din uolleift da cehimile.  
0,662 diu gûte fant cecilie.  
0,663 diu sich uzzin cierte mit golde.  
0,664 unt trûch darunder uerholne.  
0,665 ein hærine hemedes.  
0,666 da mit fi dem tieuel machit fremede.  
0,667 alle ir gûtæte.  
0,668 owi welhir wunder ein wibilichir ftæte.  
0,669 fi hete ir maitheite.  
0,670 uon gotif gnedicheite.  
0,671 ein ftarchiz widerwette.  
0,672 do fi gitorfte an ein bruttebette.  
0,673 chomen mit dem manne.  
0,674 der ir gigert hete lange.  
0,675 dem droute fi den gotif flach.  
0,676 ob er ir deheiner flahte ungimach.  
0,677 mit iehte gitorft erceigen.  
0,678 ftarche eruorhte daz der heiden.  
0,679 ich wil sprechen also daz pûch fait.  
0,680 der wider dich heiligiū mait.  
0,681 sam ein scherfer leu waf ergramt.  
0,682 den machist du femfte sam ein lamp.  
0,683 uon dem pabes vrbane.  
0,684 warder finen funden ane.  
0,685 in dem toufflichin brunnen.  
0,686 da wold im got def gunnen.  
0,687 daz er den heiligen engil bi dir uant.  
0,688 der braht iu beiden in finer hant.  
0,689 zwêne chrenz giulohten uz den blûmen.  
0,690 die in dem paradyse chunnen grûnen.  
0,691 iemer mere an unter laz.  
0,692 die brahten iu beiden gûten waz.  
0,693 sam ir wært in dem paradyse.  
0,694 unde gaben iuwer sele folhe spîse.  
0,695 daz si iuch uf die martyr frumete.  
0,696 nu bite umbe unfer funde.  
0,697 du unt diu gûte fant agne.  
0,698 daz wir ieht ce lange.  
0,699 in unfern achuften ligen.  
0,700 wirne muzzen dem tieuel angifigen.  
0,701 unde finen uolgæren.

0,702    def helfit unf funtæren  
0,703    ir frowen beide.  
0,704    unt alle gotis meide.  
0,704a    **De omib scis .**  
0,705    Alle gotis heiligen.  
0,706    beuelhet unf got mit iuvern digen.  
0,707    der broede ir wol erchennit.  
0,708    ir alle die da fin ginennit.  
0,709    an def ewigen libif pûche.  
0,710    die gnade die da ziu fûche.  
0,711    iuwer armiu diet.  
0,712    ir uerfeit unf niht.  
0,713    daz der ware gotis fun.  
0,714    doch wirz unwirdiclichin tun.  
0,715    unfer gibet erhore.  
0,716    def helfit unf engilifche chore.  
0,717    pat<sup>i</sup>arche unde pphete.  
0,718    unde alle die iungir die got hete.  
0,719    unde die unfer rihtære fulen fin.  
0,720    unde diu gimaroten chindelin.  
0,721    cehencich uiercich unde uier tufent.  
0,722    unt alle die die ir funde habint biriuwent.  
0,723    in difer werlte diewîle fi lebeten.  
0,724    unde die heligen muniche die def phlegeten.  
0,725    daz fi dei lafter an in flûgen.  
0,726    unt chriftis ioch ûf in trûgen.  
0,727    unt die rehte einfidile hiezzen.  
0,728    die allen den trôft liezzzen.  
0,729    der in uon der werlte mahte bichomen.  
0,730    mit den die engil dicche girûhten wonen.  
0,731    unde die rehte witewen waren.  
0,732    unt da mit ewichlichen gnaren.  
0,733    olde die diu êliche hirat.  
0,734    hin cegot braht hat.  
0,735    unde ir alle fælige fêle.  
0,736    die uon dem eriften heiligen abêle.  
0,737    unz an difen tach dar chomen birt.  
0,738    da iu der himilifche wirt.  
0,739    lonet nach iuwer m gidinge.  
0,740    mit einigem phenninge.  
0,741    er ceprime olde cenône.  
0,742    in dem wingarten frône.  
0,743    dar ûffe habit gearbeitet.  
0,744    daz ir heim fit gileitet.  
0,745    lât unf [iu] fin empholhen.  
0,746    daz wir ieht werden uerfwolhen.  
0,747    uon des leiden tiuels chiuwen.  
0,748    der umb unf wiruit entriwen

0,749 sam der leu ruhlunde. nach fant pauls rede.  
0,750 unde fûchit wen er uerfwelhen mege.  
0,751 Niene uerfait unf iuwer giwegede.  
0,752 daz uns armen erledige.  
0,753 uon funtlichin banden.  
0,754 uon wertlichen scanden.  
0,755 uon totlichim fêre.  
0,756 uon uppigir êre.  
0,757 uon zorne unt uon nîde.  
0,758 uon hazze unde uon gîrde.  
0,759 uon der leidigin hochferte.  
0,760 diu unf armen uerherte.  
0,761 mit dem eristem manne.  
0,762 in difem wûchlamme.  
0,763 uon unrehtem gwinne.  
0,764 uon uleifchlichir minne.  
0,765 uon hûrlichir hitze.  
0,766 uon def finnis abwizze.  
0,767 uon uientlichir rache.  
0,768 uon spotte unde uon bispræche.  
0,769 uon lügen unt meinneiden.  
0,770 unt uon allen dingen die unf fcheiden.  
0,771 uz dem himilriche.  
0,772 def helfit unf alle gliche.  
0,773 daz die got an unf uertigile.  
0,774 unt daz er unf infigile.  
0,775 mit dem flûzzil der minne.  
0,776 diu ift ein chuniginne.  
0,777 aller geiftlichin gabe.  
0,778 uon der chumit fælde unde gnade.  
0,779 fride unde ebenhellunge.  
0,780 milte unt barmunge.  
0,781 chiufche unde reincheit.  
0,782 gihorfam unde gidulticheit.  
0,783 die lobit unfer herre got.  
0,784 do er wider finer iunger chot  
0,785 “hoc eft ꝑceptū meum.  
0,786 minnit ein ander sam ich iuch tun.”  
0,787 daz errechit gregorius aller beſte.  
0,788 erſprichit daz alleſ gûtif werchif eſte.  
0,789 nehein grûne niemer mege gewinnen.  
0,790 fine wonen in der wurce der minne.  
0,791 diune mach niender weſen eine.  
0,792 ir êre hat ſi gimeine.  
0,793 mit ſamt der deumûte.  
0,794 uon der chumit aller flaht gûte.  
0,795 alle tugintliche ſite.  
0,796 unde elliu êre da mite.

0,797 triuwe unde warheit.  
0,798 zuhte unde frumicheit.  
0,799 mit difen tugintlichin scaren.  
0,800 müze unf got iemer biwaren.  
0,801 unze wir dem tieuel angifigen.  
0,802 def helfit alle heiligen.  
0,803 Nu scul wir dir herre.  
0,804 biuelhen lip unde fele.  
0,805 beidiu cem ereften unt celeften.  
0,806 wande du aller beſte.  
0,807 unfer not unde unfer angift weiſt.  
0,808 an dir ſtet alzogif der uolleiſt.  
0,809 fwefſo wir din heiligen haben gibeten.  
0,810 die fol dine gnade an unf uertreten.  
0,811 daz du durch ir willen.  
0,812 müzzift gnædichlichin iruullen.  
0,813 fwefſo wir in dinem namen.  
0,814 mit ir botefcheſte gigert haben.  
0,815 nu erledige dine chnehte.  
0,816 uon allem unrehte.  
0,817 uon geiftlichir unzuhte.  
0,818 uon ſcaden unt uon gifuhte.  
0,819 uon din ſelbef zorne.  
0,820 uon dem ewigin florne.  
0,821 uon unreinen gidanchin.  
0,822 uon den glugjuntent uanchin.  
0,823 die daz fleiſch hûrllichin zunten.  
0,824 uon teuflichen funten.  
0,825 uor grozzer bichorunge.  
0,826 uon der ewigen uerdammunge.  
0,827 uon aller ſlaht leide.  
0,828 unt an der wile ſo da ſceide.  
0,829 diu fele uon dem lîbe.  
0,830 herre chriſt du unf entlîbe.  
0,831 durch die engiliſche botefchaft.  
0,832 diu dinir [m]ûter wart praht.  
0,833 unt durch die touffe die du enphienge.  
0,834 unt durch die uafent die du bigienge.  
0,835 unf armen ceiner lêre.  
0,836 unt durch dinif crucif ère.  
0,837 durch dinir fele hinuart.  
0,838 du da ſelbe ware daz ophir unt der ewart.  
0,839 durch din urſtende.  
0,840 diu unferm tode gab ein ende.  
0,841 durch diner ûf ferte ſignumft.  
0,842 durch def heiligen geiſtis chumft.  
0,843 chum unf armen ceheile.  
0,844 an dinim urteile.

0,845 daz wir ieht erarnen des tages.  
 0,846 die räche def ewigen fl[a]ges.  
 0,847 fwer danne wirt gifceiden uon dinen chinden.  
 0,848 derne mach nie mermere uinden.  
 0,849 uor dir dehei=ner flahte gnaden.  
 0,850 fo fûchet er leider citrâge.  
 0,851 wan ob iz fin mæhte.  
 0,852 daz fin tægilichin gidæhte.  
 0,853 din mûter unt alle din heiligen.  
 0,854 imen wurte niemer uon dir entliben.  
 0,855 ubir in ist diu urteile gigegeben.  
 0,856 daz er iemer muz totlichin leben.  
 0,857 in diner agezel.  
 0,858 dem wære uil michil bezir.  
 0,859 daz er nie mennisk wære worden.  
 0,860 daz heiz unf é biforgen.  
 0,861 lieber herre fuzzer uater.  
 0,862 diewile du unf antlazzis wil giftaten.  
 0,863 fo gib unf tuginlichin cilebenne.  
 0,864 daz wir mit dinem uäterlichin fegene.  
 0,865 def tieuels unf irwergen  
 0,866 ê er unf def richis mug enterben  
 0,867 daz unf din felbis tot intfloz.  
 0,868 te rogamus audi nos.  
 0,868a **Communis** .  
 0,869 Nu ist rehte unde brüderlich.  
 0,870 daz wir umbe ein ander alle gimeinlich.  
 0,871 in der gotlichin. minne.  
 0,872 an die tur ringe.  
 0,873 dinir barmunge.  
 0,874 herre chunich aller chunige.  
 0,875 uil emcichlichen chlophin.  
 0,876 mit zæherlichen trophen.  
 0,877 daz du unf fride unt gifunt uerlihiſt.  
 0,878 unt unferm hercen niene uercihiſt.  
 0,879 def heiligen geiftis gnâde.  
 0,880 unde aller flaht lage.  
 0,881 unfer uiende ceſtoreſt.  
 0,882 unde diner chriftenheit erhoreſt.  
 0,883 unt ir uaterlichin gnadiſt.  
 0,884 unt beſchirmeſt unfern herren den pabeſ.  
 0,885 der unf alle ſol biſorgen.  
 0,886 unde allen phæflichen orden  
 0,887 machiſt einualtich.  
 0,888 an dinen giboten ehaltich.  
 0,889 unt girûchiſt alle chriften.  
 0,890 cedinem lobe ce ſtætigen unt cefriſten.  
 0,891 die du mit dinem blûte erloſteſt.

0,892 unt daz du die armen gitroftest.  
 0,893 machift gifunt die ungifunden.  
 0,894 irloft die giuangen unt die gibunden.  
 0,895 unt girûchift die ellenden.  
 0,896 inir uaterlant cifenden.  
 0,897 unt alle die uf wazzar uarn  
 0,898 uor allen freifen biwaren.  
 0,899 daz du chunige unde rihtære.  
 0,900 unt ander ir uolgære.  
 0,901 muzift du giueften an dem rehten.  
 0,902 unt uerdruchift die wider uehten.  
 0,903 chriſtinlichif glouben.  
 0,904 unde alle die offinlichin olde tougen.  
 0,905 mit fræfuele funten oder mit uorhten  
 0,906 niene lazift werden die uerworhten.  
 0,907 fine gibuzin in difem libe.  
 0,908 hungir unde bifez du uertrîbe.  
 0,909 diene der erde uon dem lufte.  
 0,910 daz wûcher citlichir gnuhte.  
 0,911 ceuûre aller flaht irritûme.  
 0,912 gib unf mæzzigen richtûme.  
 0,913 unt dar uber niemere.  
 0,914 unde lon uater herre.  
 0,915 mit dinem cehencichualtigem lone. gelte.  
 0,916 die unf [in] [difer] [werlte]  
 0,917 minnint. fpifent. unde uazzent.  
 0,918 uergib allen den die unf hazzent.  
 0,919 die dinif glouben haben uer iehen.  
 0,920 gnade allen felen.  
 0,921 an ir hin uerte.  
 0,922 din ſtabe unt din gerte.  
 0,923 diu ſi nach der bete dauidis.  
 0,924 ein troſt der ſele unt deſ lîbis.  
 0,925 daz du mich girûchif cebechleiben  
 0,926 mit dinif tiſkis. aleibe.  
 0,927 unt mit dinem chelche trunchen machen.  
 0,928 er meinit mit den oberiſten zwein ſachen.  
 0,929 dinif lichnamen unt dinis plûtis.  
 0,930 want niemen tût ſo uil gûtis.  
 0,931 ſwer ſich der uon ſcheidit.  
 0,932 imne ſi uor dir uerteilet.  
 0,933 deſne la niemen weſen ane.  
 0,934 die uon dir herre chriſt criſtiane.  
 0,935 mit dem namen unt mit den werchen ſint.  
 0,936 ſamene iherre uater diniu chint.  
 0,937 in der himiliſchin .  
 0,938 der ſelben gnaden la niht biſten.  
 0,939 dinen ſcalch Heinrichen.

0,940 der uil harte einlichen.  
0,941 sich dar uf giflizen hat.  
0,942 fwer mit finne dizze gibet uerstet.  
0,943 fwelhe gnade er da mit erwerue.  
0,944 daz er der teilnumftich werde  
0,945 dizze gibet heizzit letanie.  
0,946 daz imphach du urowe sca maria.  
0,947 mit allem himilifken here.  
0,948 daz unf got allef def gwere.  
0,949 def [...]